

DE STATUTO IURIDICO CHRISTIFIDELIUM

Enuntiantur obligationes et iura quae, iuxta deliberata in adunationibus dierum 1 et 2 decembris 1966, recenseri debent in statuto iuridico christifidelium, quod exarandum est in proxima Coetus sessione.

In quodam primo canone huius partis novi C.I.C. haec vel si milia dicenda sunt:

Canon

"& 1. Obligationes et iura quae in canonibus qui sequuntur statuuntur omnibus propria sunt christifidelibus, sive sint clerici sive sint laici, nulla inter eos facta distinctione ratione stirpis, nationis, condicionis socialis vel sexus.

& 2. Religiosi etiam iisdem subiiciuntur obligationibus iisdemque gaudent iuribus, nisi iuxta sacros canones aut proprias constitutiones quorundam iurium exercitio renuntiaverint aut a quibusdam obligationibus exempti sint."

In sequentibus vero canonibus haec tractanda sunt:

1. Omnes fideles in Ecclesia vinculo fraternitatis invicem devinciuntur et observare debent aequalitatem quae inter eos omnes viget quoad dignitatem et actionem communem (cfr. Const. Lumen gentium, n. 32).

2. Ius ad media spiritualia necessaria ad vitam christianam plene ducendam, quia omnes fideles, ex baptismo recepto, ad perfectionem caritatis vocantur (cfr. Const. Lumen gentium, cap. V).

3. Ius ad propriam spiritualitatem exercendam iuxta Ecclesiae doctrinam.

4. Officium et ius ad laborandi ut divinum salutis nuntium

ab universis hominibus ubique terrarum agnoscatur et accipiatur (cfr. Decr. Apostolicam actuositatem, n. 3).

5. Ius ad apostolatam exercendum secundum proprium statum et condicionem personalem.

6. Officium agnoscendi universis hominibus iura omnia quae ex humana dignitate ac divina ad salutem vocatione derivantur (cfr. Decl. Dignitatis humanae, n. 1 et 14; Const. Gaudium et spes).

7. Officium oboedientiae ad declarata et statuta hierarchiae (cfr. Const. Lumen gentium, n. 37).

8. Officium tuendi ac defendendi, etiam per rectum usum iurium et capacitatam quibus in societate civili gaudent, iura Ecclesiae, et in specie ut Ecclesiae ius ad propriae missionis adimplentione ab omnibus agnoscatur (cfr. Decl. Dignitatis humanae, n. 14).

9. Officium subveniendi Ecclesiae ministrorum ac operum necessitatibus (cfr. Decr. Presbyterorum Ordinis, nn. 20 et 21; CIC, can. 1496).

10. Ius necessitates et optata sua patefaciendi sacris Pasto-ribus (cfr. Const. Lumen gentium, n. 37).

11. Ius libere petendi rescripta a legitima ecclesiastica auctoritate. (*et ius ab repressis*)

12. Ius libere profitendi propriam fidem, sive publice sive privatim, simulque officium alios invitos non cogendi ad catholicam fidem amplectendam (cfr. CIC, can. 1351; Decl. Dignitatis humanae).

13. Ius recipiendi formationem doctrinalem et apostolicam uniuscuiusque capacitati et conditioni vitae aptatam (Cfr. Decl. Dignitatis humanae, n. 14, 3<sup>a</sup> et 4<sup>a</sup>; Decr. Apostolicam actuositatem, n. 29; Decr. Ad gentes, n. 26; Const. Lumen gentium, n. 35,

in fine; Const. Gaudium et spes, nn. 43, 2<sup>o</sup> et 62, 7<sup>o</sup>; Decl. Gravissimum educationis, n. 10, 2<sup>o</sup>).

14. Facultas discendi et docendi scientias sacras, iuxta iuris praescripta (cfr. Const. Gaudium et spes, n. 62, 7<sup>o</sup>; Decl. Gravissimum educationis, n. 10, 2<sup>o</sup>; Decr. Ad gentes, n. 41, 5<sup>o</sup>).

15. Ius ad iustam libertatem inquirendi necnon mentem suam aperiendi, sive ore tenus sive in scriptis, in iis de quibus peritia gaudent (cfr. Const. Gaudium et spes, n. 62). (*opinio publica: scriptis ore tenus*)

16. Ius ad cooperandum cum hierarchia et facultas assumendi officia ecclesiastica condicioni eorum conformia et iuxta normas iuris.

17. Ius ad proprias doctrinas defendendas iuxta limites doctrinae Ecclesiae.

18. Ius ut non cogantur in proprio statu vitae libere eligendo.

19. Ius, debita cum auctoritate ecclesiastica relatione servata, condendi associationes et conventus habendi (Decr. Apostolicam actuositatem, n. 19; Decr. Presbyterorum Ordinis, n. 8)

20. Ius ut, (~~si casus ferat~~), iudicentur a tribunalibus iuxta proceduram ad normam iuris stabilitam.

21. Ius ut audiantur debitoque patrocinio fruantur in processibus iudicialibus ac administrativis quibus afficiantur.

22. Ius ut nulla poena puniantur, nisi praevis poena determinata in norma promulgata statuta fuerit.

23. Ius ad propria iura subiectiva tuenda, via sive administrativa sive iudiciali.

24. Ius coram competenti ecclesiastica auctoritate recurrendi, via sive administrativa sive iudiciali, adversus decisiones quae eorum iura personalia laedant.

25. Ius ad cognoscendum nomen denuntiantis, si adversus se accusatio fiat coram ecclesiastica auctoritate.

